

সমাজৰ বৰ্তমান কৰ্তব্য

(১৯৯১ ইংৰাজীৰ অক্টোবৰ মাহত
ত্ৰিপুৱাৰ মশাউলিত প্ৰদত্ত ভাষণ)

শ্ৰীকালী প্ৰসাদ সিংহ

(ত্ৰিপুৱা বিশ্ববিদ্যালয়)

(দাম - ২.০০)

সমাজের বর্তমান কর্তব্য

পুলোদেছি গিরিগিথানী,

আজিকার ধর্মতত্ত্ব আলোচনা, হরিনাম-সঙ্কীৰ্তন বারো আনন্দ - উৎসবর হাদিত রূঢ় বাণে বাস্তব সমাজ সম্পর্কে আলোচনা করিয়া সমাজের কর্তব্য নির্ধারণ করান এহান রসবোধে হানিকরহান বুলিয়া মনে অ'র। ফলে, এ আলোচনারকা নিমন্ত্রিত অ' ছুঁ মি এগৌ ইমে রসকস নেই মানুগো হিসাবে পরিচিত অ'নাত পড়েছু। তবে, আরাক দৃষ্টি আহানলো খাল করলে, এসাদে বাস্তব আলোচনা এতারতাউ ধর্মীয় সাধনা বা অনুভূতির লগে সম্পর্ক আহান আছে। কিয়া বুললে, সমাজ আহান স্মৃষ্টি বাণে সুন্দর নাইলে ও সমাজে ধর্মীয় স্মৃষ্টি পরিবেশ আহানর সৃষ্টি অ'না নুতাবে। সারযুক্ত মাটি হানাত যে কুনো ফল-ফসল কুরেইলে হবা ফল ফসল উৎপন্ন অ'বতাহে; উতার পিছে ও ফল-ফসল উত'রে মাটি হানাত আলাদা করিয়া নিয়া আমা'র কামে লাগেয়ারগাতা। ঠিক উসাদে সমাজ আহান স্মৃষ্টি বা সুন্দর অ'ইলে ও সমাজেত ধর্মীয় সুন্দর পরিবেশ আহানর সৃষ্টি অর যেহানে আমা'রে বাস্তব জগতর উদ্বলোকে নিয়া দিবা ভাবর—দিবারসর সন্ধান দেব। এপেই পুলোদেছি গিরিগিথানীর ভিতরে যে গিরিগিথানীর পরিবারে দুঃখ-দুর্দশা, দারিদ্র্য বা নানা জটিলতা আছে, উতাই হারপেইতাই যে, আজিকার এ আনন্দ-উৎসব এহান তানু যথাযথভাবে উপভোগ করে নুতারতারা। সমাজ-জীবন সম্পর্কেউ ইমে এহানেই ধারাহান। সমস্যা-জর্জরিত বারো দুঃখদারিদ্র্যপূর্ণ সমাজে ধর্মসাধনা নার। উহানলো, ধর্মীয় সুন্দর পরিবেশ আহান সৃষ্টিরকা সুন্দর সমাজ আহানর দরকার। এবং এ কারণেই, নীরস অ'ইলেউ সমাজ-সম্পর্কে আলোচনা করানির প্রয়োজন আছে।

সমাজ আহান সুন্দর করানিরকা প্রধান ভাবে চারিহান বস্তু লাগের; উহানি অ'ইলতাই— শিক্ষা, অর্থ, সাহিত্য বারো সংস্কৃতি। (১) আনন্দর বিষয়হান, বিষ্ণুপ্রিয়া মণিপুরী সমাজে নিরঙ্কর নেই বুলেউ চলের; বর্তমানে এ সমাজে

* (১৯৯১ ইংরাজীর অক্টোবর মাহাত ত্রিপুরার মশাউলিত প্রদত্ত ভাষণ।

শতকরা প্ৰায় পচাৰুবাইগো মানুহ সাক্ষৰ। কিন্তু আমি উতালো তৃপ্ত নাগই। কিয়া বুলিলে, আমি জনসংখ্যাই কম জাতহান; এ অৱস্থাত অগ্ৰাণ্য সমাজৰ লগে প্ৰতি-যোগিতাত উৰা অ'নাৱকা আম'ৰ সমাজে উৰ্ব'তম এবং বহুমুখী শিক্ষাৰ আৱতাউ প্ৰসাৰ অ'না দৰকাৰ। আমাৰতা সাধাৰণ শিক্ষাৰ বাহিৰে ডাক্তাৰী (এলোপ্যাথি, হোমিওপ্যাথি বা আয়ুৰ্বেদিক) এবং কাৰিগৰি শিক্ষাৰ প্ৰসাৰ লাগেৰ। ভদা উহান নাগই সঙ্গীত বিজ্ঞাৰ বিভিন্ন কলা শিক্ষাৰো প্ৰয়োজন। আজিকালি সৰকাৰী নিয়োগ পানা মিয়াম কঠিন। গত'ক আত্মনিয়োগৰ (self-employment) দৰকাৰ, এবং উহানৰকা বিভিন্ন মুখী শিক্ষাৰ প্ৰয়োজন। বিশেষ ক'বিয়া বৰ্তম'নে বেতাৰ-দূৰদৰ্শনাদিত নিযুক্তি পানৱকা কলাবিজ্ঞাৰ মথেষ্ট প্ৰয়োজন। কিন্তু আমাৰ সমাজ'তা কলাবিজ্ঞাৰ বাৱাদে দৃষ্টি মিয়াম কম। সমগ্ৰ সমাজে সেতাৰ বেহ'তা বা এস্বাজ বাজাক'বা মানুহ আগে' বিছাবেষা নাপেষাৰ। আমাৰ জাতীয় কীৰ্তন, ব্ৰহ্ম ইত্যাদি শিক্ষাউ আজিকালি অৰ্থ-উপাৰ্জনৰ উপায় আকেইহান। এতা ঘাৰি শিক্ষাৰ বস্তু এতা বেলেয়া থয়া আমাৰ যুবক-যুবতী এতাট চাকৰী নাপেইলেই 'আমা'তা গতি নেযোইল' বুলি'। হাহতাশ কৰিয়া, আত্ম দিয়া বা বুলিয়া কাটেইতাৰা - এহান আমাৰ দৃষ্টিভঙ্গিৰ অভাৱহান। উহানে আমাৰ যুবক যুবতীৰে মাতুৰিতা - দৃষ্টি প্ৰসাৰিত কৰিয়া বিভিন্ন ধাৱাদে - যোগোৱতা য়েবেদে কুচি বা প্ৰতিভা আছে উগোদে - শিক্ষা লট।

২। সমাজ আহান পালোইতে গেলগা শিক্ষাৰ লগে লগে আত্মৰ প্ৰয়োজনীয় বিষয়হান অ'ইলতাই অৰ্থ। অৰ্থৱকা সৰকাৰী বা বেসৰকাৰী নিয়োগৰ দৰকাৰ। কিন্তু নিয়োগ পানা আজি কালিকাৰ দিনে সহজ ব্যাপাৰহান নাগই। উহানলো এবাকা আত্মনিয়োগৰ দৰকাৰ এবং আত্মনিয়োগ'কা ডাক্তাৰী, কাৰিগৰি, কলাবিজ্ঞা ইত্যাদি বিভিন্ন শিক্ষালো বিভিন্ন ধাৱাদে ত'গ্ৰসৰ অ'না লাগেৰ। উতা'ৰ বাহিৰে বিভিন্ন ধৰণৰ ব্যবসা বাণিজ্য বাৰো শিল্পৰ ধাৱাদেউ দৃষ্টি দেনা প্ৰয়োজন। খালকৰিয়া চেইক, আমাৰ সমাজৰ প্ৰত্যেক'কা ঘৰে কমেউ ইমাইন্দোলৰ দশ-পনৰোহান কৰে পুষাক আছে; এতা হাৰিৰ কপা এতা যাবগ'তা মণিপুৰে বা অগ্ৰাণ্য কামে। ত্ৰিপুৰাৰ গজে দুহান তিনহান, বাৰো কাছাড়-কৰিমগঞ্জৰ গজে দুহান তিনহান তাত-শিল্পৰ প্ৰতিষ্ঠা কৰলে

এরূপা এতা হাবি আম'র জাতর শিল্পীয়ে পেইলা অ'ইছ। পেইটিং, এম্‌ব্রয়ডারী ইত্যাদিলো আমার ইমাইনোলর পুযাক এ'নর আধুনিকীকরণর ম'ধ্যমেউ অর্থউপার্জন করানি যাক'বের। আমারতা এসাদে বিভিন্ন বারাদে দৃষ্টি দেনা লাগতই। কৃষিকাজ করতারা গিরিগিথানীৰতাট নুয়া ধর ন চিন্তা করানি থকর। বন্যায় বরিষার খেতি মারলে ভুকানা সময়র খেতি করানি পারিয়ার। প্রয়োজনে না লাগিষা পড়িয়া আ'ছ খঙ-বিল উত্তাত মংস'চাষ করিয়াউ অর্থ- উপার্জন করানি যাক'বের।

৩। সভাতার ডাঙর অভিযান্ত্রিকি আহান অ'ইলতাই সাহিত্য। সাহিত্য বিকাশর ভিতরেদে সমাজর চিন্তাধারা, সামাজিক দর্শন, আদর্শবাদ ইত্যাদি ফুটিয়া উঠে'রহা। কিন্তু আমারতা সাহিত্য সৃষ্টির বারাদ নিতান্ত সীমিত দৃষ্টি। খালকরলে আচানক অ'ইতাড়াই, ১৯৬৪-৬৫ ইংরাজীত পার্শ্বা'লাত আমার ভাষা চলানিব দাবী করলাও সময় উত্তানাত আমারতা বই বুলতে অ'কহানো নেয়োছিল বুলনেউ চলের। বর্তমা'তে আমার সাহিত্যর পরিসরগো নিতান্ত সীমিত। আমারতা কবিতা, নাটক ছোটগল্প, উপন্যাস ইত্যাদি বিভিন্ন ধরণর স্বতন্ত্র সাহিত্য-সৃষ্টি'রহে এম'উ দরকার। ইতার গ'জ, আক'বেদে ভারতীয় সংস্কৃত সাহিত্যর বেদ, বেদান্ত, স্মৃতি, পুরাণ, নীতিশাস্ত্র, কাব্যশাস্ত্র ইত্যাদির লগে পরিচিত করে দেনারকা বিযুপ্রিয়া মণিপুরী ভাষাত অনুবাদ সাহিত্য বা দিগ্‌দর্শনমূলক সাহিত্য সৃষ্টির প্রয়োজন; আরাক অ'ক'বেদে বহিজ'গতর লগে আমার শৌবে পরিচিত কার দেনারকাউ অনুরূপভাবে বিযুপ্রিয়া ভাষাত বিদেশী সাহিত্যর অনুবাদ সাহিত্য বা দিগ্‌দর্শনমূলক সাহিত্য সৃষ্টি করানি লাগে'র।

৪। সাহিত্যর লগে লগেই আহেরতা সংস্কৃতি। মাততে গেলগা, বহিজ'গতে সমাজর পরিচয় দিতে সাহিত্যে'ত্তো জিঙে দরকারী বস্তুহান অ'ইলতাই সংস্কৃতি।

এবাকাউ আমি বহিজ'গতে পরিচিত অ'হিতা আমার সংস্কৃতি'লো, মণিপুরী নৃত্য'লো। আমার রাস, রাখুরাল, কীর্তন, বাসক ইত্যাদি সংস্কৃতির মাধুর্য্য কতিহান গভীর বা উচ্চ, উহ'ন রসবোধ সম্পন্ন গিরিগিথানীয়ে হারপেইতাই। নৃত্যর ভিতরে আমার মৃদঙ্গ-নৃত্য বাণে রাসজর সূক্ষ্ম শাস্ত্রীয়

নৃত্যর তুলনা পৃথিবীত নেই। গীতর ভিতরে রাস বারো বাসকর গীতর সাদে স্মৃতিপূর্ণ বারো ভগবৎপ্রেমর উদ্বোধক গীত আর কোনো সমাজে নেই। কিন্তু আজি বহির্জগতর মূল্যবোধহীন সংস্কৃতির সাময়িক ঢাকঢাকাত বিভূলা অয়া আমি নিজর এ অমূল্য সংস্কৃতি এতা হাবি পাহরে থিয়ারগা। আমার সমাজে হবা ইসানপা, ডাকুলা ছরার, রাসধারী নেয়ো থিতারাগা; বাসকুলীতে অনেকদিন আগেতই নেই বুলেউ চলের। আমার লুৰা যুবক যুবতীয়েউ এ সংস্কৃতি এতা শিক্ষারকা অগ্রসর নাইতারা। এহান আমার সমাজর ডাঙর অন্ধতাহান। এবাকা লুৰা করে বিচার-বিবেচনা কথিয়া আমার সংস্কৃতিরে পুনরুজ্জীবিত করানি এহান আমার সমাজর মুণ্ডে ডাঙর কর্তবা অহান।

এসাদে করে চা গেলেগা, এবাকা আমার মুণ্ডে অসংখ্য করণীয় কাম পড়িয়া আছে। বিভিন্ন ধারাদে শিক্ষা অর্জন করানি উহান যদিও কোনোগোর ব্যক্তিগত বা পারিবারিক ব্যাপারহান, তথাপি ও শিক্ষা অর্জনরকা প্রয়োজনীয় অর্থাদি সাহায্য করানি উহান আমার সামাজিক কর্তব্যহান। ব্যবসা-বাণিজ্যর পথে আগ বাড়ানিরকা আর্থিক সাহায্য বা অনুদান দেনা উহানো আমার সামাজিক কর্তব্যহান। এতারকা সামর্থ্য-অনুযায়ী ব্যক্তিগত সাহায্য করানি দরকার। উতার গজে, সামগ্রিক সাহায্যরকা অর্থভাণ্ডার আকেইগো করানি উহান নিতান্ত প্রয়োজনীয়হান। কিন্তু অর্থভাণ্ডার করানির চিন্তাধাৰ বা মনসিকতা বিফুপ্রিয়রতা নেই। দুগো-আগোই অকরতারা অর্থভাণ্ডার উঠাউ কতোদিন পিছে শূন্যত ভাহিয়া যাবগা। বর্তমানে একমাত্র উল্লেখযোগ্য অর্থ - ভাণ্ডারগো অ'ইলতাই নাগালেণ্ডর কোহিমাত করেছি 'বিফুপ্রিয়া মণিপুরী রেলফেয়ার ট্রাস্ট' উগো। ভাণ্ডার উগোরতাউ এবাকা পেয়া রূপা লাখ আহান পুরা নাছে। এগোর বাহিরে কৈলাসহরর 'শৌ-সেবা সমিতি'র উল্লেখ করে পারিয়ার। এবাকা আমারতা লাখ-লাখ টাকার অর্থ ভাণ্ডার লাগের—যেতালো আমি আমার শৌরে শিক্ষা বারো ব্যবসা-বাণিজ্যর বারাদে আগ বাড়াদেনা পারিয়ার।

সাহিত্যর রাজ্যত অগ্রগতিরকা যেসাদে লেখকর দরকার, উসাদে পাঠক বারো পুস্তক- ক্রেতারো প্রয়োজন। কিন্তু আমার সমাজে পাঠক বারো পুস্তক ক্রেতার নিতান্ত অভাব। আমার ডাঙরিয়া গিরিগিথানীয়ে বই না লইতারা; বই লইতারাতা মধ্যবিত্ত পরিবারর কতোগোই। বর্তমানে বিষ্ণুপ্রিয়া ভিতরে অসংখ্য স্বচ্ছল পরিবার আছি, যেতাই ঘরর সাজ-সজ্জারকা বা পুষাক- পরিচ্ছদরকা সচ্ছন্দে হাজার হাজার রুপা খরচ করে পারতারা; কিন্তু পাচ টাকা দিয়া বিষ্ণুপ্রিয়া লেইরিক আহান লনাত গেলেগোই তানুরতা মেইখঙ কালা অ'র। মের লিখিত অভিধান উহান ছাড়া বর্তমান পেয়া নিকুলোছ হাবি বিষ্ণুপ্রিয়া সাহিত্য লইতে দেড়শ টাকার গজে না লাগের; ও রুপা উহানি খরচ করানির মানসিকতা এ ডাঙরিয়া গিরিগিথানী এতারতা নেই। আমি অনুসন্ধান করিয়া চাছি যে স্বচ্ছল উচ্চশিক্ষিত পরিবারর ভিতরে সীমিত দুহান-তিনহান ছাড়া কোনো পরিবারে পাচ- দশ টাকা দামর বই আহানিও নেই; কনো কনো পরিবারেতে পইছা আহানর বইও নেই। মাসে ছয়- সাত হাজার রুপা পেইতার অধ্যাপক গিরিগিথানী, দশ-বারো হাজার বা পচিশ-ত্রিশ হাজার রুপা পেইতার ইঞ্জিনিয়ার-ডাক্তার উতারতা চারি পাচ টাকা দিয়া বিষ্ণুপ্রিয়া বই আহান লনার, বা বছরে পচিশ ত্রিশ টাকা দিয়া বিষ্ণুপ্রিয়া ভান্নার পত্রিকা আহান লনার মানসিকতা নেই। এ কথা এতা ম'তলে কনো কনোগোই ম'ততারাতা— আমার বই না লইতারা আরো আমি তুর্কাও মানু এতাই বুঙেই নাযা ততারেয়ারতা উনি। এসাদে ক্ষেত্রত মানসিকতা'র স্তবভেদ স্বীকার কবানি ছাড়া আর কনো বাখাশ নেই। আমার সমাজর এ মানসিকতা এহানর পরিবর্তন করিয়া আমার সাহিত্য সৃষ্টির পথ হস্করে দেনা এহান আম'র নিতান্ত জরুরী কত'বাহান।

সংস্কৃতির বারাদে আমারতা সাগর আগো কাম পড়িয়া আছে। আমার সংস্কৃতির ভিতরে সাহিত্যর লগে সম্পর্কিত সংস্কৃতি আকতা আছে, যেমন বাস- কীত'নাদির গীতিকাংশ। আমার সংস্কৃতির এ গীতিকাংশ এহান ইচুদিন একমাত্র বাংলা ভাষালোই চলিয়া আছে। সমাজ আহানর সমগ্র সংস্কৃতি

আহান এসাদে অণ্ড ভাষার মাধ্যমে চলানি এহান কতি ডাঙর নীচতাহান, উহান খানিগ্গারা খাল করলেই হারপেইতাঙাই । বিষ্ণুপ্রিয়াৰ বাহিৰে পৃথিবীত আর কুনো জাত নেই, যেতার সংস্কৃতি এসাদে অণ্ড ভাষালো চলর । যেতারে আমি পাহাড়িয়া বা নীচ জাত বুলিয়া নিঙকরিয়ার, উতার ভিতরেউ দেহিয়ার যে নিজর সংস্কৃতি নিজর ভাষালোই চলর । আমার ক্ষেত্রেই এহানর বাতিক্রমহান । অথচ এ নীচতা এহান দূৰেই করানিরকা আমি এবাকা পেয়াউ কনো প্রচেষ্টা না কবিয়ার । নিউকি মন্দিরে দিয়ার আবহিহান পেয়াউ আমার ভাষালো দেমা নুবরিয়ার; নিজর ইমা-বাবা মরলে পেয়াউ আমার নিজর ভাষালো শ্রাদ্ধ কীৰ্তন কৰে নুবরিয়ার; এতাদে জিঙে লাঙ্গর কথা আর কিতা আছে ? বর্তমানে কীৰ্তন বাবো বাসে আমার ভাষালো এলা দেমার প্রচেষ্টা আতানি চলর, কিন্তু ওঁ এলাৰ বচনা উতা অতান নিমমানর আঁনাই, এ প্রচেষ্টা এহানে আমার সংস্কৃতিৰ উন্নতিৰ পথে বেনাৰ পৰিবৰ্ত অধঃপাতন নিয়া গেলগা । জনিয়াবতা এ বিষ্ণুপ্রিয়া গীতিকারে উনি নীলকান্ত মণিবাঁ দিঙে উচ্ছল শ্রীকৃষ্ণৰ টিকিৰ সম্পাৰ লগে তুলনা দিতাবা বাবো মহাভাব স্বৰূপিণী বাধাবে উনি আদৰ পাউদাৰ, লাৰ-চৈ - টোঁকিওলা সিনেগাব নাযিকাগোৰ সাদে সাজাদিতাৰা । এসাদে গীতিকার উতারে ভাবে গিয়া ঘাড়ে ধৰিয়া সভাঙ না নিকাল দিতাৰা, উহানেই আচানকহান । আমার গীতিকারৰ এসাদে নিমমানৰ বচনাৰ প্রধান কারণহান অ'ইলতাই এ রচয়িতা গিরিগিথানী এতার কাব্যতত্ত্বজ্ঞান, বসবোধ, ভাষাজ্ঞান বাবো আধ্যাত্মিক অনুশীলনৰ অভাব । আমার সংস্কৃতিৰে পরিশীলিত কৰিয়া অগ্রগতিৰ পথে নেনারকা আমারতা এবাকা কাব্যতত্ত্বজ্ঞান, ভাষাজ্ঞান বসবোধ বাবো আধ্যাত্মিক অনুশীলনসম্পন্ন লেখকৰ দরকার । সাহিত্যৰ লগে সম্পর্ক-নেই আমার সংস্কৃতি অ'ইলতাই— নৃত্য বাবো বাঙ । এতার যথাযথ অনুশীলন করানি উহানো আমার সংস্কৃতিৰ অগ্রগতিৰকা নিতান্ত প্রয়োজনীয়হান । আমার মৃদঙ্গনৃত্য, ছুরাৰ-নৃত্য ইত্যাদি শাস্ত্রীয় নৃত্য বাবো লোকনৃত্যৰ [যথাযথ অনুশীলনৰকা সৃজনীশক্তি বাবো গবেষণাদৃষ্টিসম্পন্ন মানুৰ দরকার ।

এতা হাবি কাম মুঙে বেলেয়া থয়া জাত এহানে ইমে বাছিয়া পাছিতা

উনি পথ আকগো—উনি সরকারবাঙতো মাতৃভাষালো প্রাথমিক শিক্ষা পানার দাবী করানি, উহান নাইলে উনি জাত এহান একেবারে পাতালে ডুবলাও । নিজর মন্দিরগোত নিজর ভাষালো আরতিহানৌ দেনা নুরারোরাই— নিজর মালক-বাপকর আদ্রহানাতৌ নিজর ভাষালো এলাহান দেনা নুরারোরাই উতাই সরকারবাঙ মাতৃভাষালো শিক্ষার দাবী করতে লাজৌ নাপারাই । উহানতে ইমে নিজর গারিগোরে বাস্তা দিয়া মানুর হকলো হাজা ভাতঠালি খানার ফিকির হাননাই । মাতৃভাষালো লেইরিক তামকরানি উহানতে ফলগো ; উহান আহিতইতা পিছেদে ; উতার আগে লাগেরতা আমার ভাষা সাহিত্য-সংস্কৃতি হংকরানি । বাংলা-ভাষালো সাহিত্য সংস্কৃতি-চর্চার আরম্ভ অ'ছেতা চতুর্দশ শতকেত্ত পুরি । ও ভাষালো শিক্ষা পানা অ'করলাতাই উনবিংশ শতাব্দীর দ্বিতীয়ার্ধত । আমারতাতে খেতিতে না করিয়া ফসল আগে পানা মনেইতারো । এহান অ'ইলতাই এ জাতর বিচিত্র মানসিকতাহান । পৃথিবীর বুকে জাত আহান হিসাবে মূর তুলিয়া পালোনিরকা মাতৃভাষালো লেইরিক তামকরানি লাগের হাযহান, এবং উহানরকা আন্দোলন করানি লাগের, উহানৌ হাযহান ; কিন্তু উতার আগে আছে কাম এতা হাবিতে ! ভিত্তিগো শক্ত অ'ইলে প্রাসাদগো তুলিয়াউ কা'না অ'রতা ; নাইলেতে দ্বিদিন পিছে প্রাসাদ উগো উলিয়া পড়তই । প্রাসাদগো দীর্ঘস্থায়ী করানিরকা ভিত্তিগো শক্ত করানি লাগের । গতিকে, 'সমাজর মুণ্ডে বর্তমানে প্রধান কর্তব্যহান কিহান ? বুলিয়া প্রশ্ন করলে মোর স্রেফ উত্তরহান—ভাষা-সাহিত্য-সংস্কৃতির নবজাগরণ । মি চাউরিতা একবাকা আমার যুবক-যুবতীর মুণ্ডে এ ভাষা-সাহিত্য-কৃষ্টির নব জাগরণ এহানেই মুখা আদর্শহান অ'ক ।

এ ভাষা-সাহিত্য-সংস্কৃতির নবজাগরণরকা পইলাই আমারতা লাগেরতা আমার ভাষা সংস্কৃতিরে বানাপানি । কিন্তু এ গুড়িগোতেই আমার সমাজর হাবিত ডাঙর ব্যাধিহান । সমাজর বারাদে আহিগি বুলেইলে দেখতাঙাই আমারতা এ চেতনার কতিহান অভাব । নিজর জাত, নিজর ভাষা, নিজর সংস্কৃতিলো জগতর মুণ্ডে মূর উচ করিয়া উবা অ'নির

মানসিকতা এহান জাত এহানৰ বকতৰ ভিত্তাৰেই মেই।
 পৃথিবীৰ হাবি জাতে চেষ্টা কৰতারাতিই নিজৰ ভাষা-কৃষ্টিলো পৃথিবীৰ
 মুণ্ডে পালোনি; আমাৰ জাতৰ এচেষ্টাহান অ'ইলতাই কিসাদে কৰিয়া
 নিজৰতা হাবি বেলেয়া অন্যৰতা ল' পায়ানি। এ জাতৰ হাবিও ডাঙৰ
 নীচতাহান অ'ইলতাই মিয়াঙ মালোনিৰ প্ৰবৃত্তি এহান। মিয়াঙৰ ভাষাৰে
 মাতৃভাষাৰ ফামে গ্ৰহণ কৰানি, ইমাইন্দোলৰে মিয়াঙৰ পুৰাকলো সাজেয়া
 মিয়াঙ মালকৰানি, মিয়াঙৰ আচৰণ হিকানি, মিয়াঙৰ খানি-পিনিৰ অনুকৰণ
 কৰানি—এতা উনি আমাৰ শিক্ষিত গিৰিগিথানীৰ ষ্টেণ্ডাৰ্ড। সমগ্ৰ ত্ৰিপুরাৰ
 ভিত্তাৰে শিক্ষিত বিষ্ণুপ্ৰিয়া গিথানক আগোই নিজৰ পুৰাক পিধিয়া নিকুলতে
 নাদেহুৰিতা কিয়া? এপেই বিয়াৰ উপহাৰেউ মিয়াঙৰ পুৰাক, পজাৰ
 উপহাৰেউ মিয়াঙৰ পুৰাক, নুৱা বচবৰ উপহাৰেউ মিয়াঙৰ পুৰাক।
 উতাৰ গজে, এপেইৰ অসংখ্য গিৰিগিথানীবাঙ মিয়াঙ ঠাৱ এহানেই
 মাতৃভাষাহান অ'ছে। মি ঘৰ্টাৰ পৰ ঘৰ্টা বিষ্ণুপ্ৰিয়া ভাষাৰে ততাবেয়া
 যিত্তেগা এ গিৰিগিথানী এতাই ঘৰ্টাৰ পৰ ঘৰ্টা ইমে মিল'জ্জভাৰে মিয়াঙ
 ঠাৱলোই ততাবেয়া মিতাবাগা। এসাদে নিজৰতা বেলেয়া মিয়াঙ মালোনিৰ
 অনুবাল আছে মানসিকতাহান একদাৰ inferiority complex—নিজৰ
 ছৰ্কাঙ নিঙকৰানিহান নাগইতা? এসাদে নিজৰে ছৰ্কাঙ বলিয়া নিঙকবতে
 —নিজৰ ভাষা-কৃষ্টিৰে অপমান কৰাত তয়াৰতা পাপ লাজ না হমাবতা—
 বিবেকে শপ দংশন নাকৰেবতা? এ জাতৰ এ মিকল—আজালপা স্বভাৱ
 এতা দেখতে দেখতে লাজে জ্বলাই মিতে মেইথঙ থনাৰ ফামো না পাউৰি, তুমি
 বাবো এ স্বভাৱ এতালো গোঁৱৰ বোধ কৰিয়া মূৰ তুলিয়া আটোৱাই—এতা
 অ'ইলতাই মানুৰ মনোবৃত্তিৰ বৈচিত্ৰ্য—মানসিকতাৰ বৈচিত্ৰ্য। এ বিষয়লো
 কতি প্ৰবন্ধ ইকৰত, কতি বক্তৃতা দিতু। কোনোতাই কাম নাদেহু। বৰং উক্টা
 মাততারাতি—মি উনি ছৰ্কাঙ মানুগো; উহানে এ ছৰ্কাঙ কথা এতা
 মাতুৰিতা। তুমি যেতাই নিজৰ ভাষা-কৃষ্টিৰে ছৰ্কাঙ কৰোৱাই, উতাই ডাঙৰ
 মানু, বাবো মি নিজৰ ভাষা-কৃষ্টিৰে উচ ক'ৰ তলানিবকা বুকফাটা চিংকাৰ
 কৰুৱি এগোই ছৰ্কাঙ মানুগো! বিবেকৰ বলিহাৰি নাদিয়া নুৱাৰবাঙ! তবে

মোরে হুঁকাও মানুগো বুলো, কটুভাষী, উদ্ধত, অহঙ্কারীগো বুলো, যতদিন
এ নিল'জ্জ জাতর নিল'জ্জ স্বভাবর পরিবর্তন নার, ততদিন মোর থতাত্ত
মোর কলমেত্ত এ কটুভাষা নিকুলতই ; মোর থতাহানরে তুমি বন্ধ করে
নুসারতাই । লমইতেগা বিষ্ণুশ্রিয়া যুবক-যুবতীরে আহ্বান করিয়া মাতুরি—
জাতহানবে ষানা পেইলেতে একবাকাই এ ঠারে-পুষাকে-আচরণে মিয়াও
মালোনির হুঁকাও স্বভাব এহান বেলেই ; নিজর পুষাক, নিজর ভাষা, নিজর
কুণ্ডিলো পৃথিবীর মুণ্ডে মূর উচ করিয়া চলানি হিকো । লগে লগে আমার
ভাষা সংস্কৃতির নবজাগরণরকা প্রাণপণ চেষ্টা করো ।

—০—